

**Kev Ua Kom Muaj Kev Koom Tes Zoo
Nrog Cov Txwj Laus County Agricultural
Commissioners (CACs)**



Cov Lus Qhia Dav Dav

Lub hom phiaj ntawm cov lus qhia ntawm no yog los mus qhia koj txog koj txoj hauj lwm uas yuav los khiav qhov qhia ntawm no. Lub hom phiaj ntawm qhov kev qhia yog los mus qhia kom cov pej xeeb nkag siab txog kev koom tes ntawm pej xeeb thiab los mus ua kom lawv khiav tau hauj lwm zoo dua ntxiv nrog cov txwj laus County Agricultural Commissioners (CACs) thiab lawv cov neeg ua hauj lwm.

Koj yuav siv ib qhov PowerPoint uas muaj 23 daim duab thiab muaj tus neeg qhia cov lus. Koj yuav tau siv sij hawm ntev li ntawm 25 feeb coj los tham txog cov duab yog hais tias nws tsis muaj dab tsi los ua rau muaj kev ncuaj sij hawm. Koj yuav tau siv sij hawm ntev li 2 teev rau qhov kev qhia, nyob ntawm saib koj muab sij hawm ntev npaum li cas rau neeg nug thiab rau neeg sib tham.



Thaum koj pom lub cim megaphone nyob hauv cov lus qhia ntawm no, cov ntawv uas *vau rau phab xis* (italicized) nyob ntawm ib sab ntawd yog ib cov lus npaj tseg uas koj yeej siv tau coj los pib tham txog ib lub tswv yim los sis coj los muab cib fim rau neeg nug thiab rau neeg sib tham.

Ua Ntej Qhov Kev Qhia

Yog hais tias koj tseem tsis tau paub txog CACs cov hauj lwm thiab cov dej num, koj yuav tsum tau siv sij hawm me ntsis ua ntej qhov kev qhia los mus kawm kom koj [nkag siab](#) hais tias saib lawv ua dab tsi thiab kom koj nkag siab cov pej xeeb txoj kev yuav mus koom tes tau nrog lawv cov CACs yog dab tsi. Nws los kuj yuav yog ib qhov uas yuav pab tau koj yog hais tias koj yeej paub txog cov pej xeeb uas koj yuav mus qhia lawv thiab yeej paub hais tias saib lawv puas tau koom tes nrog lawv tus CAC yav tag los los sis paub hais saib lawv tau koom tes nrog lawv tus CAC yav tag los zoo li cas.

Koj yuav tsum tau paub tso duab hauv PowerPoint. Koj los kuj yuav tsum tau paub hais tias saib koj yuav khiav qhov kev qhia zoo li cas, suav nrog rau qhov hais tias saib koj yuav teeb tej rooj tog zoo li cas (yog hais tias qhov kev qhia yeej yog qhia tim ntsej tim muag) los sis saib koj yuav pib qhov kev qhia thiab kev sib tham zoo li cas, yog hais tias nws yeej yog ib qhov kev qhia nyob hauv computer (yog qhov kev qhia yeej yog qhia nyob hauv online). Txawm yuav yog qhia tim ntsej tim muag los sis qhia nyob hauv online, koj yuav tsum tau muab qhov kev qhia coj los sim qhia nyob ntawm cov khoom los sis tshuab uas koj yuav siv.

Qhov uas peb cia siab yog hais tias qhov kev qhia ntawm no yuav tsis yog ib qhov uas qhia tau ib cov tswv yim thiab txuj ci zoo rau cov neeg tuaj koom xwb, tiam sis kuj tseem muab cib fim rau cov neeg tuaj koom los mus sib tham txog tej yam uas lawv tau ntsib thiab txog lawv cov tswv yim thiab txoj kev uas ib tug yuav qhia tau rau ib tug. Los mus ua kom cov neeg tuaj koom muaj kev sib tham zoo li qhov no, cov lus qhia ntawm no yeej muaj ib cov tswv yim, tsis nyob hauv cov lus npaj tseg, coj los pab kom koj khiav tau qhov kev qhia zoo.

Rau lub hom phiaj no, peb yeej muab cov duab faib ua rau ntu ntawv:

- Lus Txais Tos thiab Kev Sib Qhia Kom Cov Neeg Sib Paub (Cov Duab 1–4)
- Pej Xeem Txoj Kev Koom Tes Yog Dab Tsi? (Cov Duab 5–8)
- CACs Yog Leej Twg thiab Lawv Txoj Hauj Lwm Yog Los Ua Dab Tsi? (Cov Duab 9–12)
- Lub Hom Phiaj Ntawm CAC thiab Pej Xeem Txoj Kev Koom Tes (Cov Duab 13 – 14)
- Tshuaj Tua Kab Yog Dab Tsi? (Cov Duab 15–18)
- CAC – Community Collaborations (Kev Koom Tes Ntawm Pej Xeem): Cov Kev Koom Tes Uas Khiav Tau Hauj Lwm Zoo (Cov Duab 19 - 20)
- Lus Xaus Qhov Kev Qhia (Cov Duab 21–23)

Thaum koj qhia tag ib ntus ntawv twg, koj yuav tsum tau nug cov neeg saib lawv puas muaj lus nug los sis muaj lus qhia ntxiv. Yog cov neeg tsis muaj lus nug los sis lus qhia ntxiv, cov lus qhia ntawm no yeej muaj ib cov lus nug rau koj siv koj los nug kom muaj kev sib tham. Koj yeej siv tau cov lus nug ntawm no los sis lwm cov lus nug uas koj xav hais tias yuav zoo rau koj siv. Koj lub hom phiaj yuav tsum yog los mus ua kom cov neeg los mus sib qhia thiab los mus sib koom tes kawm. Thov nco ntsoov tsis txhob cia cov neeg sib tham ntev ntev sub koj thiaj li yuav khiav tau qhov kev qhia raws sij hawm.

Kev Tuav Qhov Kev Qhia

Lus Txais Tos thiab Kev Sib Qhia Kom Cov Neeg Sib Paub (Cov Duab 1 - 4; 20 feeb tsis muaj lus koj los pib kev sib tham, 30 feeb muaj cov lus koj los pib kev sib tham)

Koj yuav tsum muaj lus txais tos, muaj lub ntsej muag luag ntxhi rau cov neeg thaum lawv tuaj txog. Koj yuav tsum ua kom lawv pom hais tias koj yeej zoo siab pom lawv los sis yuav tsum tuav txhua tus neeg tes thiab pab ua kom lawv tsis txhob ntshai. Koj yuav tsum tau qhia rau cov neeg paub hais tias saib koj muaj kev pab txhais lus rau cov lus twg, yog hais tias muaj.

Thaum cov neeg tseem tab tom nrhiav chaw zaum, ua lawv tsaug rau qhov uas lawv tuaj koom thiab mam li qhia hais tias koj yog leej twg thiab qhia hais tias koj yuav siv cov sij hawm zoo li cas. Qhov no yuav tsum muaj cov lus qhia txog kev khiav qhov kev qhia, zoo li lub sij hawm qhia thiab lub sij hawm so thiab, yog qhia nyob hauv online, yuav tsum muaj lus qhia hais txog kev siv cov kev sib txuas lus (piv txwv, tsa tes). Nws kuj tseem yuav tsum tau muaj cov lus qhia hais tias qhov kev qhia yeej yog ib qhov uas neeg tawm suab tau thiab hais kom txhua tuas neeg tawm suab thiab tawm tswv yim thiab tsis txhob hais kom siab ib tus neeg twg. Nug cov neeg saib lawv puas muaj lus nug dab tsi nyob rau lub sij hawm no.

Hais kom cov neeg qhia lawv lub npe thiab lawv txoj hauj lwm.

Txawm Tsis Muaj Qhov No Los Yeej Tau: Muaj cov lus koj lus ua kom paub pib kev qhia los sis kev sib tham mus. Txawm hais tias koj yuav muaj qhov ntawm no los sis tsis muaj los, koj yuav tsum tau txiav txim ua ntej. Yog hais tias cov neeg tuaj koom feem ntau yeej sib paub, qhov no yuav tsis yog ib qhov uas zoo rau lawv siv lawv lub sij hawm. Yog hais tias cov neeg teem qhov kev qhia yeej xav hais tias nws yuav yog ib qhov zoo, nrog cov neeg sib tham los mus xaiv ib yam uas yuav tsim nyog siv koj los ua kom paub pib kev qhia los sis kev sib tham. Qhov uas yuav muab siv koj los ua kom paub pib kev qhia los sis kev sib tham yuav tsum yog ib qhov uas muaj rau tag nrho cov neeg tib si. Yog hais tias muaj neeg coob, neeg yuav tsis hnov thaum txhua tus neeg hais lus. Tsis txhob cia muaj qhov ntawm no ntev tshaj li 10 feeb (los sis luv dua yog nws tub dhau lub sij hawm uas koj npaj tseg lawm). Ntawm no yog ob peb lub tswv yim:

- *Dab tsi yog qhov koj nyiam tshaj ntawm koj txoj hauj lwm?*
- *Tej yam tshwm sim hauv koj lub neej uas neeg feem ntau yeej tsis paub yog dab tsi?*
- *Koj puas tau mus nrog cov txwj laus County Agricultural Commissioner los sis lwm cov neeg tuav hauj lwm hauv lub nroog sib tham dua los li?*

Tham txog cov tswv yim lus uas yuav muab koj los qhia hnuv no (Daim Duab 3) thiab muab Daim Daub 4 tso tawm.

Pej Xeem Txoj Kev Koom Tes Yog Dab Tsi? (Cov Duab 5 – 8, 15 feeb)



Ob peb daim duab tom ntej no yog yuav qhia txog kev khiav hauj lwm ntawm pej xeem txoj kev koom tes. Qhov no yeej yog muaj cov lus txhais thiab cov lus qhia qhov tseem ceeb ntawm txoj kev mob siab ua kom muaj kev ncaj ncees nyob hauv huab cua txhua yam ib puag ncig.

Cov lus nug taug qab ntxiv:



- *Puas muaj leej twg muaj tswv yim koj los ntxiv rau cov tswv yim uas muaj nyob hauv diam duab?*
- *Cov teeb meem twg yog cov uas koj hnyav siab txog thiab koj xav hais tias tseem ceeb rau pej xeem? Thov muab sau rau hauv koj phau ntawv.*
- *Koj puas tau nrog koj tus CAC los sib tham hais txog cov tswv yim uas muaj kev cuam tshuam rau koj lub zej zos?*

Yog koj yeej ua tsis tau kom cov neeg muaj kev sib tham, koj yeej hais tau hais tias tej zaum cov teeb meem uas tib neeg ntsib thaum lawv mus nrog CAC lub chaw khiav hauj lwm los sis lwm cov chaw tuav dej num hauv lub nroog sib tham yeej tsis muaj zoo ib yam.



Peb txhua tus yeej tau ntsib tej yam teeb meem nyob ntawm cov chaw tuav dej num nyob hauv lub nroog uas tsis muaj zoo ib yam. Puas muaj ib tus neeg qhia tau ib yam lawv tau ntsib uas yeej ua rau lawv tsis nkag siab, yeej pab tau lawv los sis pab tsis tau lawv?

CACs Yog Leej Twg thiab Lawv Txoj Hauj Lwm Yog Los Ua Dab Tsi? (Cov Duab 9–12, 5 feeb)



Lub hom phiaj ntawm cov duab ntawm no yog los qhia koj hais tais saib CACs yog leej twg, saib lawv ua dab tsi, thiab saib lawv muaj feem cuam rau dab tsi.

Cov lus nug taug qab ntiv:



- *Raws li qhov koj paub, puas muaj ib yam dab tsi tseem ceeb uas tsis muaj nyob hauv cov lus piav qhia ntawm no hais txog CAC cov hauj lwm?*
- *Ua ntej peb yuav saib ob peb daim duab tom ntej no hais txog cov hom phiaj thiab ib cov piv txwv ntawm kev koom tes, puas muaj leej twg xav qhia saib lawv tau ua li cas mus nrog tsoom fwm lub chaw khiav hauj lwm nyob hauv koj lub nroog sib tham hais txog tej yam uas pej xeeb hnyav siab txog los sis cov teeb meem uas pej xeeb muaj?*
- *Tam sim no uas koj twb nkag siab txog qhov hais tias CACs ua dab tsi lawm, rov qab mus saib cov teeb meem uas pej xeeb muaj lus hnyav siab thiab tseem ceeb rau pej xeeb uas koj tau muab sau rau ntawm ntu ntawv ib (phab ntawv 2). Txheeb saib qhov teeb meem twg ntawm cov teeb meem tseeb ceeb yog cov uas muaj kev cuam tshuam rau CACs, thiab saib qhov teeb meem twg yog qhov muaj kev cuam tshuam rau lwm lub chaw tuav dej num thiab muab sau tseg (rau ntawm phab ntawv 6).*

Cov Hom Phiaj Ntawm CAC thiab Pej Xeeb Txoj Kev Koom Tes (Cov Duab 13, 3 feeb)



Daim duab ntawm no yeej piav qhia hais tias saib cov hom phiaj ntawm CAC thiab Pej Xeeb Txoj Kev Koom Tes yog dab tsi, zoo li cov hom phiaj los mus kho kom muaj kev sib txuas lus zoo thiab kom muaj kev koom tes mus daws cov teeb meem.

Cov Kev Koom Tes Piv Txwv Zoo Ntawm CAC thiab Pej Xeeb Txoj Kev Koom Tes (Daim Dua 14, 7 feeb)



Daim duab no yeej muaj ib cov lus qhia dav dav thiab qhia txog cov kev nkag siab txog cov kev khiav hauj lwm tau zoo thiab cov dej num ntawm txoj kev los ua kom pej xeeb muaj kev koom tes nrog koj tus CAC lub chaw khiav hauj lwm. Tej zaum koj twb siv ib txhia ntawm cov tswv yim ntawm no lawm los sis koj twb muaj koj ib cov kev khiav cov dej num rau pej xeeb txoj kev koom tes lawm, uas koj yeej qhia tau rau cov neeg tom qab saib tag ob peb daim duab ntawm no.

Cov lus nug taug qab ntiv:



- *Cov kev khiav hauj lwm rau pej xeeb txoj kev koom tes twg yog cov uas koj tau pom hais tias yeej pab tau zoo tshaj?*
- *Qhov kev nrog cov CACs sib tham twg yog qhov uas koj nyiam siv, thiab yog vim li cas qhov ntawd thiaj li ua hauj lwm zoo tshaj?*
- *CAC cov neeg ua hauj lwm twg yog cov uas peb nrog lawv tham tam sim no, thiab qhov kev sib tham twg yog qhov uas ua hauj lwm zoo tshaj rau lawv?*

Cov Tshuaj Tua Kab Yog Dab Tsi? (Cov Duab 15–18, 20 feeb)



Cov duab ntawm no yeej qhia hais tias cov tshuaj tua kab yog dab tsi, cov chaw twg yog cov uas neeg yuav siv tau tshuaj tua kab, yeej qhia txog cov teeb meem uas pej xeeb hnyav siab txog tshuaj tua kab, thiab yeej qhia hais tias saib leej twg yog tus tsim kev cai lij choj los tswj tshuaj tua kab.

So (10 feeb)

CAC – Community Collaborations (Kev Koom Tes Ntawm Pej Xeeb): Cov Kev Koom Tes Uas Khiav Tau Hauj Lwm Zoo (Cov Duab 19 – 20, 20 feeb)

Tso cov yeeb yaj kiab hais txog Cov Kev Koom Tes Uas Khiav Tau Hauj Lwm zoo.

Tom qab mloog tag cov kev koom tes uas khiav hauj lwm tau zoo (Daim Duab 19), ntawm no yog ib cov lus nug uas koj yuav siv tau coj los nug cov neeg:



- *Tam sim no peb twb hnov ib cov kev koom tes uas yuav muaj txiaj ntsim rau txoj kev koom tes nrog cov neeg tswj hwm kev siv tshuaj nyob hauv koj lub nroog lawm, siv sij hawm los mus xav txog cov hom phiaj tseem ceeb hauv lub zej zos thiab los mus xav saib puas muaj ib cov tswv yim nyob ntawm cov kev koom tes muaj tag los no uas koj yuav muab coj mus siv tau rau thaum koj mus nrog CAC lub chaw khiav hauj lwm nyob hauv koj lub nroog koom tes. Thov muab sau rau hauv koj phau ntawv (rau ntawm phab ntawv 10).*
- *Xiav ib yam tseem ceeb hauv koj lub zej zos thiab sau ib kauj ruam uas koj yeej ua tau los mus nrog cov coj nyob hauv koj lub nroog sib tham.*
- *Nyob hauv qhov kev qhia no, koj puas tau hnov ib lub tswv yim tshiab uas koj xav hais tias nws yuav pab tau rau kev mus nrog koj cov CACs sib tham?*
- *Dab tsi nyob hauv qhov kev qhia hnuv no yog qhov uas tseem ceeb tshaj rau koj?*

Lus Xaus Qhov Kev Qhia (Cov Duab 21–23, 5 feeb)

Nco ntsoov qhia rau cov neeg hais txog lwm cov ntaub ntawv los sis kev pab uas muaj thiab ua cov neeg tsaug rau qhov uas lawv tau tuaj koom. Ua tsaug rau cov neeg uas npaj cov ntaub ntawv rau qhov kev qhia thiab cov neeg uas npaj qhov kev qhia.

Cov Qhia Hais Tias Xav Li Cas (5 feeb)

Ua ntej cov neeg yuav tawm mus, hais kom lawv siv sij hawm li ntawm 5 feeb coj los teb qhov kev nug uas tsis tso npe rau hauv hais tias saib lawv xav li cas (phab ntawv txuas ntxiv tom ntej). Yog tus neeg tsis paub ntaub ntawv, koj yeej muab tus neeg cov lus sau tau rau ntawm phab ntawv txuas ntxiv tom ntej.

Kev Nug Cov Neeg Tuaj Koom Hais Tias Saib Lawv Xav Li Cas

Rau thawj peb nqis lus nug, khij ib lub voj voog rau tus lej uas qhia tau meej tshaj hais tias koj xav li cas hais txog qhov kev qhia.

	Tsis Tshuam Tseem Ceeb	Tseem Ceeb Heev		
Koj puas pom hais tias qhov kev qhia ntawm no yeej tseem ceeb thiab?	1	2	3	4

Qhov kev qhia ntawm no puas ua rau koj nkag siab ntau ntxiv txog cov teeb meem rau kev ncaj ncees ntawm huab cua txhua yam ib puag ncig thiab txog CAC cov hauj lwm?	1	2	3	4
--	---	---	---	---

Qhov kev qhia ntawm no puas qhia ib cov tswv yim tshiab hais txog cov kev ua thiab kev siv uas yuav ua kom muaj kev koom tes?	1	2	3	4
---	---	---	---	---

Qhov kev ua kom muaj kev koom tes twg yog qhov uas koj tsis tau siv yav tag los thiab koj ntxim yuav siv yav tom ntej?

Koj puas muaj ib cov tswv koj los kho cov ntaub ntawv thiab koj los khiav qhov kev qhia ntawm no?

Puas muaj ib cov kev qhia ntxiv twg uas koj xav hais tias yuav muaj txiaj ntsim?

Koj puas muaj lwm yam dab tsi uas koj xav qhia rau peb paub?

Tsab Email Ua Piv Txwv Rau Tsab Email Caw Cov Neeg Nyob Ntawm CAC Lub Chaw Khiav Hauj Lwm Tuaj Koom Qhov Kev Qhia

HNUB TIM

Hawm Txog [NPE NTAWM LUB NROOG] County Agricultural Commissioner,

Kuv sau ntawv sawv cev ntawm [LUB KOOM HAUM HAUV LUB ZEJ ZOS] tuaj rau koj, thiab kuv sau tuaj nug saib koj puas kam tuaj thiab saib koj puas yuav tuaj koom tau ib qhov kev qhia pej xeeb hu ua "Kev Ua Kom Muaj Kev Koom Tes Zoo Nrog CACs". Lub hom phiaj yog los mus npaj ib qhov kev qhia nyob rau ntawm [NPE NTAWM LUB ZEJ ZOS] rau thaum [COV HNUB PIB MUS RAU XAUS].

Kuv yuav yog tus los npaj thiab tuav qhov kev qhia ntawm no, thiab yog koj los sis koj cov neeg ua hauj lwm xav tuaj koom tej ntu ntawm qhov kev qhia ntawm no, peb yeej ua koj tsaug ntau ntau - tshwj xeeb tshaj yog hais tias koj muaj cov neeg ua hauj lwm uas tau muaj kev koom tes nrog pej xeeb thiab tau mus tshaj lus tawm kom neeg paub. Txawm li cas los xij, kuv yeej ntseeg hais tias qhov koj tuaj koom thiab tuaj qhia hais tias koj pom li cas yuav muaj txiaj ntsim zoo rau cov neeg uas tuaj koom qhov kev qhia.

CACs ib cov neeg ua hauj lwm thiab cov thawj coj hauv zej zog yog cov neeg uas tsim cov qauv thiab cov lus uas muab coj los qhia nyob hauv qhov kev qhia ntawm no. Lub hom phiaj yog los piav qhia txog cov Commissioners cov hauj lwm thiab cov dej num thiab los ua kom pom hais tias saib pej xeeb txoj kev koom tes nrog lawv cov CAC lub chaw khiav hauj lwm yuav muaj txiaj ntsim zoo li cas rau ob tog.

Qhov no yuav yog ib qhov kev qhia tim ntsej tim muag uas yuav siv sij hawm ntev li ob teev. Koj txoj hauj lwm yuav yog los piav qhia txog cov lus uas muaj nyob hauv qhov kev qhia, los piav ib cov piv txwv txog qhov uas koj tau mus nrog cov pej xeeb koom tes, thiab los teb cov lus nug uas neeg muaj hais txog koj lub chaw khiav hauj lwm. Ua ntej yuav muaj qhov kev qhia, kuv xav ntsib koj kom kuv paub hais tias saib koj xav li cas hais txog cov teeb meem thiab cov lus hnyav siab uas pej xeeb muaj nyob hauv koj lub nroog thiab los mus txiav txim hais tias saib peb yuav koom tes li cas es peb thiaj li yuav muab qhov kev qhia ntawm no ua tau ib qhov kev qhia uas neeg xav kawm thiab yuav qhia mus tau zoo. [YOG QHOV KEV QHIA NO YUAV YOG IB QHOV UAS QHIA NYOB HAUV ONLINE, MUS SAIB SOB LUS UAS MUAB KHO TAG NYOB RAU PHAB NTAWV TXUAS NTXIV TOM NTEJ.]

Kuv ntseeg hais tias qhov uas koj tuaj koom yeej yuav tsis yog ib qhov uas tsuas ua rau qhov kev qhia muaj nuj nqes thiab tseem ceeb rau cov pej xeeb xwb, tiam sis nws los kuj yuav yog ib lub cib fim zoo los mus sib tham rau koj thiab koj cov neeg ua hauj lwm los mus nrog cov pej xeeb sib tham.

Kuv tos ntsoov hais tias koj yuav teb kuv thiab koj yuav nrog kuv koom tes los ua kom muaj ib qhov kev koom tes muaj txiaj ntsim thiab zoo nrog cov pej xeeb nyob hauv [NPE NTAWM LUB NROOG] Lub nroog.

Sau npe,

SOB LUS PAUV RAU QHOV KEV QHIA NYOB HAUV ONLINE

Qhov kev qhia ntawm no yuav yog ib qhov kev qhia nyob hauv online uas yuav siv sij hawm ntev li ob teev nyob hauv [NPE NTAWM QHOV ONLINE PLATFORM]. Koj txoj hauj lwm yuav yog los piav qhia txog cov lus uas muaj nyob hauv qhov kev qhia, los piav ib cov piv txwv txog qhov uas koj tau mus nrog cov pej xeeb koom tes, thiab los teb cov lus nug uas neeg muaj hais txog koj lub chaw khiav hauj lwm. Ua ntej yuav muaj qhov kev qhia, kuv xav ntsib koj kom kuv paub hais tias saib koj xav li cas hais txog cov teeb meem thiab cov lus hnyav siab uas pej xeeb muaj nyob hauv koj lub nroog thiab los mus txiav txim hais tias saib peb yuav koom tes li cas es peb thiaj li yuav muab qhov kev qhia ntawm no ua tau ib qhov kev qhia uas neeg xav kawm thiab yuav qhia mus tau zoo. Txoj kev muab qhov kev qhia koj los sim khiav ua ntej yuav muaj qhov kev qhia kom peb paub hais tias yeej khiav tau zoo nyob hauv qhov txuj ci sib tham nyob hauv online los yeej yog ib qhov uas tseem ceeb.